

GEUS – Naalagaaffiup Danmarkimi Kalallit Nunaannilu Ujarassiornikkut Misissuisoqarfiat



GEUS

Sumiiffik: Pinngortitaleriffik

Nal. 18-22

Ukkusissat

Siunertanut assigiinngitsunut, soorlu qullernut iganullu ukkusissat Kalaallit Nunaanni ukiut 4000-it sinnerlugit atugaasimapput. 2016-imi GEUS København, Pinngortitaleriffik aamma Statens Naturhistoriske Museum suleqatigalugit GEUS Nuuk ukkusissat pillugit suliniuteqarsimavoq, tassanilu siunertat ilagisimavaat Nuup eqqaani ilaatigut takornarianut tunineqarsinnaasunut tunisassianut atugaasinnaasunik ukkusissaqarfinnik naleqquttunik nassaarnissaq. Nuup eqqaani sumi ukkusissat nassaarineqarsinnaanerit, sooq Nuummit ukkusissat immikkut ittuuneri, aamma sooq ukkusissat Kalaallit Nunaata oqaluttuarisaanerani ujaqqani assorsuaq piumaneqartuusimanera pillugit aggerlutit tusarniaagit.

Sermearfinit qaqqat seqummaat

Nunatsinniit marulluk immikkuullarissua? Marrittoorutaaffiuneranut naleqqiullugu allanut atugaasinnaava – soorlu nunat kiattuni orpippassuarnik annaassiniutitut? GEUS, Københavns Universitet, Brasiliami University of Sao Paolomi ilisimatuut aamma Usisaat suleqatigillutik Kalaallit Nunaanni ”sermeaqarfinnit qaqqat seqummaat” ilisimatusarfigaat. Qanoq iliornerat takusaruk, misileraanerullu nutaap aallartinniarnanun peqataallutit.

Biilit mobililluunniit sumik aatsitassartorpa

Ulluinnarni aatsitassat pinngitsoorsinnaanngivippatit; mobiilit, qulleq, kissarsuut, cykeli biililu tamarmik pinngortitami ujaqqani nassaarisatsinni aatsitassanik sananeqarput. Ujaqqat tallimat – ulluinnarni atukkat tallimat ... ujaqqat sorliit pigisanut sorlernut atornerqarpat?

Ujaraatit sunaana?

Immikkuullarissua imaluunniit nalinginnaasua?

Ujaraateqarpat suunersumik naluleqqasannik? Ujarak sunaanersoq suminngaallu pinngortuunersoq paasinarneranun GEUS’imi ujarassiuu ikiussallutit piareersimapput.

Aatsitassat qanoq ililluta nassaarissavagut?

Ujarassiortut sakkuusiviat! Ujarassiuut aatsitassat ilimanaateqarsinnaasut misissortarpaat; ujaqqat piginnaasaannut misissuinerit, qanoq ujaqqat pinngortitami akoqarnerisut, aammalu nunap ujaqqanik assiliortorneqarneratigut. Qanoq ujarassiuut suleriaaseqarnerisut tusarnaariakkit!

Sermersuaq aakkiartorpoq

Massakut Sermersuaq qanoq aassimatigiva, qanorlu imarmut sunniitigiva? Ilumoorpa avannaarsuata sikua nungukkiartortoq? Tamakua akissutit paasisinnaavatit nittartakkami Polar Portalimi, malinnaaffigalugulu sikup qanoq ingerlaarnera. Uanilu paasiniaareersinnaareerputit: www.polarportal.dk

Nunarsuaq savitooq

Sooq nuna sajuttarpa? Kalaallit Nunaanni sumi nunap sajuttarneri amerlanerpaappat? Nittartakkami toqqaannartukkut sumi kingullermik nuna sajussimanera qanorlu sakkortussuseqarneri takusinnaavat.

Kalaallit Nunaat qanoq angitigaa?

Nunarsuarmioqatigiit, FN-ip imaq pillugu inatsisinik atuutsitsinermut isumaqatigiisummik Danmarkip akuersissuteqarnissaanik 29. april 2003-mi Folketingi aalajangiussivoq. Kingornatigut aalajangiussamik tassannga Savalimmiuni Lagtingi aamma Kalaallit Nunaanni Inatsisartut akuerinnippat. Immap naqqani sumiiffinnut nutaanut pisinnaatitaaffik pillugu piumasaqaat qanoq uppernarsarsinnaavarput? Kalaallit Nunaata eqqaani sumiiffiit pingasut, katillugit 1.000.000 km² missaannik annertussusillit, Kommissionen for Kontinentalsoklens Grænser’imut (Nunap Toqqaviata Killinginut Ataatsimiititaliarsuarmut) nassiunneqartut pillugit paasiniaavigiartukkit.

Pisussat naammassisat nittartakkatsinni takusinnaavatit: www.geus.gl